



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1845**

CXXIV. Der Erzbischof Otto von Magdeburg bekennt, daß das Patronat über die Kapelle zu Hildagesburg dem Dechanten zu Stendal zuerkannt sen, am 6. Mai 1337.

---

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

infra scriptam specialiter electo et deputato dicit et in iure proponit contra honorab. virum dominum Johannem de Suntra, Canonicum ecclesie magdeburgensis, marquardus de Bardeleue, canonicus Stendalg. halberstadenſis dyoceſis procurator pro ſe et procuratorio nomine — Quod licet Capella de hildingheſburch, magd. dyoceſis, ſit et fuerit ab antiquis retroactis temporibus decanatu et eccleſie predictae incorporata canonice et annexa, cum omnibus redditibus et pertinentiis et ab eodem Decano, qui fuit et eſt pro tempore, per ydoneum ſacerdotem officari et regi debet et debebat, Dictique Decanus et Capitulum ſunt et fuerunt in plena et pacifica poſſeſſione uel quaſi huiusmodi iuris a tempore, cujus contrarii memoria non exiſtit, Archiepiſcopis, qui fuerunt pro tempore, Decano et Capitulo magdeb. eccleſie predictae ſcientibus, patientibus et non contradicentibus uſque in diem preſentem; Tamen venerab. in chriſto pater dominus Otto, Archiepiſcopus magd. eccleſie ſupradictae, honorab. viro domino Johanni de Suntra predicto de preſata capella prouidit de facto ipſumque inueſtuit et in poſſeſſionem mitti fecit corporalem, premiſſis non obſtantibus, in graue prejudicium predictorum dominorum decani capituli et eccleſie dampnum et iacturam. Quare petit dictus procurator pro ſe et procuratorio nomine — Quatinus, cum vobis conſiterit de premiſſis, per veſtram diffinitiuam ſententiam pronuncietis et decernatis, predictam incorporationem et poſſeſſionem eſſe et fuiſſe canonicam, dictam quoque collationem inueſtituram et poſſeſſionem factam et aſſignatam memorato domino Johanni eſſe et fuiſſe inuſitatum, Ipſique — perpetuum ſilentium inponendo etc. — Demum ſupradictis procuratoribus coram nobis in iudicio conſtitutis — ſententiam diffinitiuam per nos ferri poſtularunt in cauſa prelibata. Nos igitur officialis antedictus pro tribunali ſedentes viſis et examinatis productis et probatis communicato iuriſperitorum conſilio et prehabita deliberatione matura, — in ea, que vidimus et cognouimus — ſentenciando — pronunciamus —, capellam de hildingheſburch ſupradictam ad preſatos decanum et Capitulum eccleſie Stendalg. cum omnibus ſuis fructibus iuribus et obuentionibus pertinuiſſe et pertinere debere eidemque decanatu Stendalg. rite et canonice incorporatam eſſe. Lata eſt hec ſententia Magdeburg. in domo habitacionis noſtre anno domini M<sup>o</sup> CCC<sup>o</sup> XXX<sup>o</sup> ſeptimo, quinta die menſis maii, hora tertia, preſentibus venerab. in chriſto patre domino hinrico abbate in Nyenburch, domino herdeghone milite, magiſtro philippo de Duderſtad auctoritate Imperiali publico notario, Johanne de aken notario noſtro infraſcripto et Demere famulo teſtibus ad hoc vocatis ſpecialiter et rogatis.

**CXXIV.** Der Erzbischof Otto von Magdeburg bekennt, daß das Patronat über die Kapelle zu Hildagesburg dem Dechanten zu Stendal zuerkannt ſey, am 6. Mai 1337.

Nos Otto, dei gratia Sancte Magdeb. eccleſie Archiepiſcopus, — quia dudum facta commiſſione per nos oraculo viue vocis honorab. viro officiali curie noſtre de conſenſu parcium in cauſa, que vertebatur inter nos et Capitulum eccleſie noſtre ac Johannem de Sunter, canonicum eccleſie noſtre, inueſtitum de capella in hildingheſburch noſtre dyoceſis parte ex vna, et honorab. viros decanum et Capitulum eccleſie Stendalgensis halberſtadenſis dyoceſis parte ex altera, ſuper iure patronatus ejuſdem capelle; Idem Officialis vocatis procuratoribus dictorum parcium et ordine iuris obſeruato per ſuam diffinitiuam ſententiam pronunciauit et declarauit, predictam cappellam in hildingheſburch ad decanum et Capitulum Stendalgensis eccleſie ſupradictae pertinuiſſe et pertinere debere, ipſique decanatu cum ſuis iuribus et obuentionibus eſſe et fuiſſe annexam et incorporatam cano-



nice, — sententiam ratam habemus ipsique consentimus, nolentes statutis et preceptis iuris contradicere, sed potius affectantes nos ipsorum sententiis in omnibus conformare, Presentium nostrarum testimonio litterarum, quibus nostrum Sigillum quo vtimur est appensum. Datum et actum in castro wolmerstede, anno domini M<sup>o</sup> CCC<sup>o</sup> XXX septimo, sexta die mensis Maii.

**CXXV.** Papsi Benedict XII. bestellt eine Commission zur Entscheidung des Streites über die Kapelle zu Hildagesburg, am 12. Mai 1337.

Benedictus episcopus, seruus seruorum Dei, Dilectis filiis sancte Marie ad Gradus Maguntin. et sancti Johannis decanis ac Scolastico sancti Stephani Maguntin. ecclesiarum. — Sua nobis dilecti filii fridericus decanus et Capitulum ecclesie Stendaliensis halberstadenfis diocesis petitione monstrarunt, quod licet Capella in hildungesborch Magdeb. diocesis de iuribus et pertinentiis decanatus eiusdem ecclesie etiam de antiqua et approbata et hactenus pacifice obseruata consuetudine fuerit et existat et tam ipse decanus quam predecessores sui decani eiusdem ecclesie, qui fuerunt pro tempore, dictam Capellam tanquam de iuribus et pertinentiis dicti decanatus tenuerint et possederint a tempore cuius contrarii memoria non existit, quia tamen venerabilis frater noster Archiepiscopus Magdeburg. loci Metropolitanus, minus ueraciter asserens, ad se collationem dicte Capelle spectare, Capellam ipsam etiam non uacantem dictisque Decano et Capitulo non uocatis sed absentibus non per contumaciam, Johanni de Suntra Canonico Magdeburgensi de facto, cum de iure non posset, dicitur contulisse, pro parte dictorum decani et Capituli, quamprimum huiusmodi collatio ad eorum notitiam peruenerit, sententium ex ea indebite se grauari, fuit ad sedem apostolicam appellatum ac idem Archiepiscopus huiusmodi appellatione contempta prefatum Johannem mandauit et fecit in eiusdem Capelle corporalem possessionem induci, propter quod pro parte dictorum decani et Capituli fuit iterato ad sedem appellatum eandem, dictusque Archiepiscopus spretis appellationibus antedictis fructus redditus et prouentus ipsius Capelle mandauit et fecit pro suo libito arrestari: propter quod pro parte dictorum decani et capituli ad dictam sedem denuo extitit appellatum. Quocirca discretioni uestre de utriusque partis procuratorum assensu per apostolica scripta mandamus, quatinus Maguntiam uocatis, qui fuerint euocandi et auditis hincinde propositis, quod canonicum fuerit appellatione remota decernatis, facientes quod decreueritis per censuram ecclesiasticam firmiter obseruari. Testes autem qui fuerint nominati, si se gratia odio uel timore subtraxerint, censura simili appellatione cessante compellatis ueritati testimonium perhibere. Quod si non omnes hiis exequendis potueritis interesse, duo uestrum ea nichilominus exequantur. Datum Auinion, III. Id. Maii Pontificatus nostri anno Tertio.

**CXXVI.** Markgraf Ludwigs Bestätigung und Schutzbrief für den Dom zu Stendal, vom 29. Juli 1337.

Lodowicus, dei gracia brandenburgensis et Lufacie marchio. — Veniens ad nos honestus et discretus vir, dominus marquardus, capituli sue collegii sancti nycolai ciuitatis Steindalensis Canonicus, capellanus noster dilectus, nobis eorundem nomine, quod ipsis ipsorum jura pri-